

# OMUKUETU

N:o 4

APRIL

1951

KRISTUS A LONDO A JI MEGULU

Luuk. 24: 50—53

Onena esiku ljokudimbulukua nkene Jesus okua londo a ji megulu pahapu dehempululo ljetaalo ljetr: Ongame ondi itaala Jesus Kristus ngoka a londo a ji megulu nokua kuutumba koluljoluua Kalunga ohe omunamapangelo agehe no ta galuka ko te ja okupangula aana muenjo naasi.

Esiku ljonera otu nokuilonga tango, nkene Kristus okua londo a ji megulu, nishuee Kristus sho a longo. na shoka te ke shi ionga, sho aji megulu, Lukas ota hokoloia naua esiku necimbo, nehalo, naantu mboka ja li ko. Okuza kejumuko lje, okua kala omasiku 40 mu Galilea pamue naalungua je, nokue ja hokolelele oshilongo sha Kalunga. Omasiku ngano sho ga piti, okue ja gongele kondundu jOomono popepi na Jerusalem. Markus oja hokolola, nkene e ja lombue e ja kate mu Jerusalem nokutegelela Ombepo Ondjapuki. Lukas ota hokolola: ano shokue di ja lombuele, okua jelucua pombanda montaneho jauo (Iil. 1:9). Okua jeluka palutu, ngashi a li a cikama montaneho japo, noshikogo oshe mu fala ko. Aalongua sho ja kala ja ligamene kegulu nokukumua kuauo, pua holoka aajengeli jaali je ja lombuele, indeni kcmagumbo, oshoka mpaka kape na sha shokutala ue. Omuaa ite ja ue a monika sigo kesiku ndjoka, oje ote ja a pangule aanamuenjo naasi. Esiku tuu ndjoka ota galuta miikogo, ngashi oshikogo she mu fala ko. Otu nokukoneka oshikumica shelondo lje. Kombanda jejumuko lje Kristus okua li e nolutu lu noontumba nomasipa, naashi e shi ti mu Luuk. 24:39, nokua zimire aalongua je mu gume. Ihe oje tuu a jeluka ongodila, ota londo pombanda mombepo sigo itaje mu mono ue. Opo mpoka tatu mono olutu nduka tse tatu lu peua uo, uge tua topoka nuujuni mbu. Olutu nduka olupe otalu injenge ngashi ediladilo tali ende. Kristus shokua jumuka, oje ina kelelua kemanja ljoposhijeelo shombila, nenge kiijeelo ja patua. Okui imonicile koojamue, ngele e shi hala, oje ote ende mombepo nokombanda jevi, Ota holoka peha ekyauo ongoluaadi nenge ediladilo. Eadimo lja tja ngaaka tali ka kala no momalutu getu uo. Nisheue omalutu ngano itaga si, no itaga pumbua ue iikulja niikumua, nokage no nauuvu nuuehame ue.

Ihe otu nokutala uo Omuaa Kristus shoka e shi longo, no shoka e shi tu longele nokulonda kue. Tango Omuaa oti holola oje kee na sha muujuni mbuka niilonga ji li mo. Ando e ji hala, ondola a cigala kombanda jevi, ngashi aakuaniilua jalue jamuka. Oje a ji megulu tuaaje mu luete, tu kale tu shi shi, oshilongo she kashi shi shokombanda jevi. Katu nokutegelela iimaliva, muujamba noonkondo domuujuni, ngashi aalongua ja li je ji tegelela, ihe oshilongo she oshopambepo no shaaluhe, naamboka je li mo, otaa peua omagano gopambepo kuje. Inapa kala nando gumue ta ningi omukriste, opo a peue eliko nesimano ljomuujuni. Aue, omolu iinima ja tja ngaaka inapa dikua eshasho nenge Uulalelo nenge oshilonga sheuvico. Iinima mbika Kristus ine ji endela, shokue ja kombanda jevi nokua londo a ji megulu. Aue, oje okue ja, opo e tu etele omagano galuhe, edimo po ljoondjo, nuujuki, nomuenjo gualuhe. Omagano ga tja ngaaka otatu vulu oku ga tegelela ku Kristus Omuaa guetu, nguka ina cigala kombanda jevi, ihe a londo a ji megulu, opo a kale ti idikile oshilongo shopambepo saa luetike, ihe otashi kala aluheluhe.

Osho sha hunganekua nale kOmbepo Ondjapuki. Ongoje ua londo pombanda no ua fala aapika oshihakanua, ongoje ua taamba oma-

gano maantu. Ps. 68: 19. Omujapostoli ota fatulula oohapu dika no ta ti; Okulonda nkuka okushike ano, ngele hashono, sho a kulukile tango moma siku geni? Ano onguka a kuluka, oje tuu ngu okua londo uo a ji pombanda ohandijaka jegulu nomegulu, opo a udice ajihe. Ef 4:9—20. Otse otua likola oshindji. Kristus sho a ji megulu. Omujapostoli a hala tu tseje naua omolua shike otua peua esilohenda nelaago li cike mpo. Inatu shi ilongela niilonga jetu iuanaua nenge nokukala kuetu okujapuki, aue, Omuaa muene okue ji tu longele. shokua zi megulu a kulukile momasilu gevi, nokui ifupipike, a ningi omuntu omoluetu, nokue tu sile komushigakano.

Iilonga mbika omujapostoli ote ji diladila sho ta popi okukuluka kue. Ngoka oku li pombanda, ita pumbua okulonda. „Ua londo pombanda” tashi ti; a adika a kuluka nale omoluetu. Ihe oohapu dika tadi joolola uo Kristus moojakuauo mboka ja londo ja ji megulu. Henok okua taambelua mo. Elia a londo metemba ljomulilo. Ihe Kristus okua londo koonkondo de muene, ngashi oje ina jumudua kuusi, ihe okua jumuka koonkondo de muene. Otse otatu jumudua kuje, noje ote tu fala megulu, ihe oje ina kuacua nando kulje, okui ikuaca koonkondo de muene. Kaku na gulue a londo a ji megulu, oje tuu auike a kuluka megulu, Omuna gu Omuntu ngoka eli megulu. Joh. 3: 13.

Nando tu nokukala muujuni mokati kaantu, otu niilonga naanegumbo naapangeli jetu, ihe otu nokujelucua oomuenjo detu muambika jomegulu, nokukonga mbika jopambepo, oshoka otua ningi ja Kristus, na Kristus kee shi guomuujuni mbuka. Ihe aantu ojendji oja puile ouala muambika taji hulu po, kaje na sha na Kristus ngoka a londo a ji megulu. Osho shoka Ombepo Ondjapuki oja hala oku shi kelela, onke ano taji ti: Kristus ina kala kombanda jevi, ihe a londo a ji megulu, opo tse uo nando palutu tu li pevi, ihe oomuenjo detu di jeluke pombanda.

Kristus ota ningi shike pombanda mpoka a ji ko? Oje muene okue shi holola, shokua hokolola „ofule ngele a langele egumbo lje, ihe taku zingoka e mu vule iikondjico je, kua li e ji inekela, e ta topola oshihakanua e shi mu jugu. Luuk. 11: 21—22. Otse aantu otua li muupika uondiaboli no ueso. Ondiaboli taji tu endica, neso otali tu nina. Katu vulu okuihupica tse jene.

Ihe Kristus nguka e mu vule onkondo, ote ja, nota futu oondjo duujuni nokusa kue. Oje sho ku li komusigakano, itamu monika onkondo muje. Ihe oondjo sho da futua, na Kristus ota lala mombila, aantu oja kanica po omukumo aguhe, nena oje ota jumuka noonkondo nesimano. Okua kuata omunankondo, a sindi ondiaboli noonkondo doheli, nokue di jugu epangelo, daa uape okujona po aakriste, eso ljaa uape oku ja nina po, noondjo daa uape oku ja pa uusama.

Mpaka pua holoka elunduluko enene shili. Naale uulunde ue tu kuatele muupika uauo, no ue tu pe uusama, ondiaboli a li e noonkondo oku tu hingila muulunde, neso lja li li noonkondo oku tu nina po! Shoka itashi vulika ue. Kristus okua londo a ji megulu a kuate uulunde, neso nondiaboli oonkuatua, oje jaa je tu jone po ue, no nge taje shi jelekele, shi tu ningile uuanaua auke. Uulunde otatu tu hindi natango, no tam tu sikumuda okutsondumbo nehalo lja Kalunga. Omolu uunkundi otu nokupukicua, ngashi omukaniilua David a ningi. Ihe naje uo ina sila mo, ihe okua diminua po adihe omolua shoka uulunde u nokukanica onkondo dauo mu Kristus, no u nokuninga onkuatua.

Uulunde inau uapa oku mu jona po, ihe ue mu ciminike okugalikana nuupenda u vule uonale.

Osho uo neso. Oljo tali tu cikamene lja fa lja haja oku tu nina po, nomuenjo guomuntu otagu li



tila, no tagu kanica po omukumo guagu. Oshike ano eso itali ningi, shoka olja hala? Oshoka ol o olja kuatua ku Kristus. Onke ano nando li puduke ngini, oljo itali vulu okuningua aakriste sha shilue, oku ja hingila akuke ja koneke shili oohapu da Kalunga, no ja konge omukumo netalaleko mudo ku vule suonala.

Nosho uo ondiaboli. Oje ta hondjunine omuntu uusiku nomutenja e mu juge omuenjo gualuhe. Ihe oje onkuatua, onke ita sindi. Omboka oje ota ja hondjunine, oje ote ja igililica ouala okukotoka ja kale taa galikana nuudiginini, taaji ilesehele oohaguda alunga, no taaji igandja megameno lja Kalunga. Omahongololo ga tja ngaaka ge noshiponga oshinene, iae o-po mpoka tapu monika elondo lja Kristus shoka lje tu etele. Omolua shoka Kristus okua londo a ji megulu, a gamene ooitaali je kaatondi mboka uulunde, neso, nondiaboli, omboka e ja kuata oonkuatua, oje kaa uape okujona po ue aantu je.

Ihe oje ina hulila po mpoka. Ongojje ua taamba omagano maantu. Ua taamba omagano u ga gandjele aantu Omagano ngaka oga shike? Kristus ote ga tumbula sho ta ti: nge tandi ji, otandi mu tumine Omupopili. Joh. 16:7. Ano sho kua kala koluljo lua Kalunga, a jelucitua ko, nokua peua ku He Ombepo Ondjapuki ju uvanekeleua, oje nokue ji tile, oje ndjika mue ji mono, no mue ji uvu. Iil. 2: 33.

Ombepo Ondjapuki ji niilonga iijaali. Tango otaji jakulica evangeli ji tu fale ku Kristus, no tu peue edimo po ljoondjo medina lje. Nisheue oje otaji tu kuaca okulundulula okukala kuetu, tu uape okutindila uulunde, noku u siica, nokuigandja mevuliko lja shili okuvulika ku Kalunga.

Ojo taji tu jukipalica ngeji komuenjo nokolutu nokombepo. Nando natango uulunde otai kakatele mutse, itatu u jalulilua ue, omolua Kristus, no itau vulu oku tu kanica ue. Osho oshilonga shotango shOmbepo Ondjapuki mutse.

Oshilonga oshitijaali shi li mpoka, Ombepo Ondjapuki sho taji tu longica tu fale ojaakuauo ku Kristus mokulongica oohapu neuvico.

Omujapostoli ota fatulula nokuja kue megulu Kristus a peua omagano e ga topolele aantu, noku uca jamue ja ninge aajapostoli, jamue aaprofeti, jamue aaevangeli, jamue aasita naalongi jooohapu a longekide aajapuki okulonga oshilonga shejakulo, okutunga olutu lua Kristus Ef. 4: 11—12. Otu uete ondiaboli nkene e tonde oohapu, no a sikumuda aamuhamed nomupavi oje ja kandule po oohapu. Ihe shaa mpoka aamuhamed nomupavi oja puidukile ko, opo mpoka oohapu da Kalunga oda taandele, no da kola. Ojo itaa vulu okujona po eshasho nUulalelo noohapu. Osho shoka Kristus e shi tu longele, shokua londo a ji megulu, opo e tu tumine Ombepo Ondjapuki, a koleke ngaaka oshilonga she kombanda jevi.

Epangelo lja Kalunga megongalo oljo uo omagano. Oje sho te li koleke moocina, no te li hupica muudigu, te li kaleke moshili nokukandula po omapuko, sho te li penduca li galikane, ajihe mbika kaji shi kulungua okuninga okekuaco ljoombepo Ondjapuki. Kokutja ajihe tu ji na, oje omagano ga Kristus e ge tu longele nokuja kue megulu ongomusindani. Omolua shoka a londo a ji megulu, a uape okutaandelica oshilongo she, nokuputuda nokukoleka egongalo lje koohapu no kOmbepo Ondjapuki.

Shino Lukas te shi holola naua sho ta hokolola nkene Kristus okua jeluca omaako ge nokua laleke nuujamba aalongua je. Ine ja laleka ouala, ngashi hatu lalekacana, ihe okue ja jambekele moshilonga e ja tula mo musho, sho e ja lombuele ja ka uvicile aashitua ajehe evangeli. Ite ja halele ouala uuanaua, ihe je nuene ota ka kala najo, te ja kuaca, no ta tanica ngeji oshilonga she.

Shaa mpoka evangeli otali ka uvicua, opo mpoka Omuaa Jesus ota jeluca omaako ge oohapu opo di ete sha. Otu nokuikoleka nemoniko ndika, Jesus sho ta jambeke ngeji aalongua je, oje sho ku li po ta londo megulu no tu nokutseja, oje ote tu jambeke aluhe oohapu sho tadi uvicua.

Osho ngeji okulonda kua Kristus sho a ji megulu taku tu etele iijimati iitoje. Ombinzi nonjama jetu sho

taji kuutumba koluljo lua Kalunga, uulunde, neso, nondiaboli oja kanica oonkonlo dajo, itaji vulu ue oku tu jona po. Nando otaje tu tondo natango oje oja kuatua. Ihe Kristus ote tu pe Ombepo je Ondjapuki, oje ji tu fale moshili no ji tu gamene momapuko, ji tu talaleke moluhodi, ji galikane natse no ji tu penduce tu galikane, ji tu oopaleke nomaganohenda ge. Kristus a londo a ji megulu, opo oje e tu pe ajihe, tatu ke ji pumbaa melaago no momuenjo gualuhe.

Tu ningeni ano ngashi aalongua je ja li taa ningi, tu mu galikane tu njanjukue tu hambelele Kalunga komegulu noku mu indila, oje e tu koleke aluhe mesilohenda ndika.

Martin Luther.

## TUA TI NDANGI

kaakuanegongalo jokOmbalantu sho ja dimbulukua o-skola jaasitagongalo no ja tumu iilja ji cike poolata 15 nomakundu uo. Kalunga na hambelele sho kue mu iimica iijimati mbi jeitaalo! Oje ne mu pe uo ombepo jegalikano muaa se uunje oku tu fala koshipalla she, otse naalongi naalongua. Oje te ke mu laleka nuujamba (Mat. 10: 42).

## OOHAPU DAAPROFETI otadi tsakana.

Oondjendi ajehe taje ende, meyi lja Palestina ngashingeji, oje otaa hokolola evi nkene otali tungua pahapu daaprofeti. Omapja niikunino otaji palelua ngashi kua hunganekua nale.

Evi negulu otali jonuka po, ihe oohapu da Kalunga otadi ka tsakana ngashi da popiua. Tua guana oku di koneka shili tu pukuluke.

## OSHIPONGA SHIIKOLICA.

Erkki Mashina mu Windhoek ota hokolola nkene aantu ja kuutumba taa nu sigo satana a hiti mo mujo no ja tameke okukondja.

Alfred Shivolo oku noluhodi esiku ljosondaha sho lja ningi esiku ljiikolica ljouala.

Oshiponga shi cike peni shono! Esiku ljosondaha tue li peua tu hede ku Kalunga megalikano nomokupulakena eui lje, oljo tuu tali ningua esiku ljokulongela omutondi.

## OSKOLA JOKOMBANDA.

Oskola jokombanda (universiteit) jaalude oja dikua mevi lja Uganda moshilando sha Kampala. Ojo ja dikilua aalude ajeke noja dikua kepangelo ljoshilongo.

Omboka taa taambela me oje nokupita tango mu Standerd X.

Oskola sho ja tameke omumvogu petameko pua holoka aalongua 200.

## EVULULUKO LJOM'OMUUA.

Omuua ote ku sil'ohimpuiju nena, ngashi e shi ningi nohela no. Njanjukilua ano ekuaco ljoOmuaa ngu mu hambelele omolualjo. Osho tuu shi ninga nangu-la uo. Iimpuiju ngele taji ja, ji mu hokololela. Oje no ta jamukula e ta tu „Ino soshimpuiju. Onde ku diladilile mokuli ekuaco. Ihe ekuaco ndjoka ito li mono, manga ino li pumbaa natango.”

Evululuko oli li mpoka, sho tati pitikua tu ece iimpuij ajihe. Oshilonga oshidigu, amatshololoko omadigu, uuehame nudigu, omamakelo omadigu, uudigu mbika aluhe otai hambatua neididimiko no mitegameno, omuenjo sho tagu vululukua kehe esiku meitaalo nokuinekele Omuaa ote mu sile oshimpuiju okesilohenda lje. O. Hallesby.

## TU PENDUKENI, MOOMPOSI.

Aakuetu mu Jesus Kristus, otandi mu kundu moOmuaa, otandi ti: Tu pendukeni moomposi duujuni, oshoka natango otu li kokule moOmuaa. Tala ko, oomuenjo kadi shi domuujuni mbuka, aue, otatu tegelele okuilua kOmuaa. Omuaa ota ti: Oku ja shi mboka je. Nangaje onde shi dimbulula naanaa. Onda mono, Kalunga sho e ende megumbo ljetu. Oka-



nona ketu oka kuatua kuuvu unene shili. Sho ua geja, otua mono nkene ka tula omaako kumue, e ta-ka galikana. Omua nokue ka taamba, oshoka ka kala ne galikano. Nena otaka vu ulukua pOmua.

E ita jokuiua kjetu otaku kala tuu, tua fa okanona haka? Kandi shiuo. Tse oojakietu ti tamekeni manga pe necimbo. Onena ndjika Omua te tu tege.  
L. Enkono.

#### OONKUNDACANA DOMUUNDJENDI.

Taleni aamati aakuetu mboka mua halakanena mu Union ruuka, kotokeleni omapiagano nomikafo di li muka daa shi daand etu, ongashi omiti delago lii-linga, ndoluhaka kaantii, deliko nodoonkondo, o. n. s.

Esiku limue onda adika komusamane, momashina, sho tue ende naje. Okacimbo okua tameke oku tu lombuela omiti de, sigo te di siikulula noku tu lombuela o dando niilonga jado, e ta ti: „Ne omu na elago, shoka mua mono ndje, oshoka kaku na ngoka ta vulu okuza ko Kimberley sigo ko Durban kee na omiti ngashi dika can. e.” Ngame si o nda puia mukuetu: „Kalunga on unankondo megulu kee mo:” omukuetu a zimine. Omuaamiti a geja, nokua tameke okusiikila uundooha ue nokunjenjeta aniuu tue mu mangul lica ouala.

Ihe itandi vulu okuguanica omajeleko agehe „mCmukuetu”. Ngiika mu uvu nokuli, omiti sho da longele jamue jomutse oomboka ja ji mOuaambo. Ongini ue ende ondjila onde nodigu okuza kOuaambo sigo omuno, ngoje ua li uaa nomuti guasha?—Noshinima oshikuauo osho shika: Kotokeleni omaitaalo, oshoka oku nojendji haje tu shekele eitaalo l'etu no haa hala oku tu shashulula je nomaludi gomakotalo-ngo gonale, taa ti: ojo taa longele Kalunga mompa-ngo. Ihe tse tu landuleni uujelele ue tu rinikile naje oku tu londoda tu aangale iinima ngaambika, ngashi Gal. 3: 19—25.

Inatu pumbua ue kulongela Kristus komukalo gulue guaa shi nguka.

S. F. Andreas,  
Hermanus, Cape Province.

#### EENKUNDANA DOMENGELA.

MEngela Kalunga okua longekidila mo ongerki onkuauambo elao linene, eshi tua mona Enongelo lovajakuli vomongerki ei jetu jovauambo, va mone epukululo. Osheshi okua kala omahodi mahapu okudiladila ovajakuli ava tava jakula omaongalo etu, eshi ve na ehalo liua noupenda okupukulula, ndele vo inava ehenifua komesho mepukululo jo. Apa Kalunga e va monena ontele jepukululo. Ongudu jovajakuli vomomalupale omaongalo va kala menongelo eli oivike itatu, osho jo ongudu jovakuluntu vomaongalo va kala mo jo. Mu aveshe ava va kala menongelo eli ova kala ve na ehafo linene, nehambelero okuhambelero Kalunga eshi e va dimbulukua moluhepo lavo. Okukala menongelo oivike ivali ile itatu, kua fa efiku litue kuvo omolu ehafo, no ve udite apa opaua okukala.

Omaongalo aeshe pamue novajakuli ao aveshe, Kalunga e tu longela oshilonga shiuu sha uapala na hambelero kufje atushe: Omuenjo uange hambelero Omuene, na keshe eshi sha kala meni lange, edina laje olijapuki. Ps. 103: 1.  
I. Ntinda.

#### AAGUNDJUKA JOMEENTANA.

Ofie ovanjasha vomEentana otua kala tu noshisho shehupifo leemuenjo dovapaani vomeongalo letu. Otua udafana oku va tuaalela eendjovo dehupifo. Otue va tuaalela eendjovo doku va londoda va dje mo mouteku ua Satana nde ve uje ku Jesus omuhupifi uavo. Otua longifa neenkono eendjovo da Kalunga shashi tu shi shi eitaavelo ohali di mokuuda, nokuuda omeendjovo da Kalunga. Otua li tua hala okuuanifa eendjovo odo: Onde ku tula oujelele okuminikila ova-pani. Mongenda ei, ovanjasha aveshe tua li tu nomutima umue. Kapua li umue ta tale mukuauo oje na longe, manga ame hai tale, ahoue, keshe umue okua li e na sha pontele jaje. Hano ovanjasha ovauambo ofie ovanangunga voshilonga shevangeli. Tu jambukeni okujelula omushijakano uOmuene Jesus Kristus mokati kovantu. Kalunga ne tu kuafe mokulonga oshilonga eshi okutandavelifa evangeli luhamba uaje.  
S. J. Shiuaju.

#### ELJENGE LJOMUKULILI.

Omukadona Teobolina ja Mateus okua manene oondjenda de mOnandjokue eti 10. 11. 50. Manga ina tokoka okue tu lombuele nokua ti: „Damen meljenge lJomukulili ngashika ngame ndi li mo, oshoka ngashingeji onda kuata meljenge lJomukulili! Oondjo domuugundjuka uandje onde di gongele pekota lJomushigakano guOmua Jesus Kristus!” Opo ihe okua ti: „Ijaloo, oshishani shandje osha li sha adima nena sha jele. Ihe onda mono aamuameme jaali, ja zala oonguo oontokele no je na ooraamata miikaha jauo, no ja ti ku ngame: „Kondja shili, ino tila sha, na tse otua li muuehame nga mboka u li mo, ano diginina oshishani shoje shi huame!” Oje nokua ti: „Tate na meme naamuameme inamu tila, inamu lila ue, tamu pukica ndje!”

Nokua tameke okugalikana, noku tu galikanena, nokua kuca Etestamenti e ta leshe: Mat. 11: 28. 30, noku imbi omaimbilo.

Sho ga hulu ngame okua li nde mu tula komatundji, oje nokua ti: „Eci ndje ndi je k'Egumbo, kalii po naua, ngame nda ji kegumbo,” nokua hulica oondjenda de.

Omukuetu tse na ngoje otua kuata tuu meljenge lJomukulili? Oshishani shetu na ngoje osha jela tuu? Ano nena tuu ndjika tse na ngoje tu kondje shili tu ka mone ehupico lJomuenjo gualuhe.

Martta Iicindi.

#### OOMBILIVE.

Lasarus Heita, Transvaal, ote tu kundu ta ti: Ordu udite oluhodi linene molu osiuana sa tate esi medu luundjendi sa fa omuti ua pumbua omeva no u he na omutekeli. Oda tua esi tadi ti: vahapu va ifanua, vanini va hoololu.

L. Kaluenja, Walvisbaai, ota ti: Ofje ovauambo natu hambelero Kalunga so tu nepjanumbo naashishe shokuhupifa olutu. Ohenda ei tua silua oji fike penil

V. R. S. Gabriel, Windhoek, okua hala oku tu zimbulusa nkene pomasiku omahugunina otaku zi aasheki okusheka Kalunga.

Israel Ndinompja, Oranjemouth, ota ti: natu eheneni koshipala sha Kalunga, je e tu pe Omepo Ijapuki. Ounona, ileni koskola, natu longeleni Kalunga kefilongenda.

Pinehas Teofilus, Usakos, okua mo no eameno nohole ja Kalunga, omukaitu omudilotua so kua nangala kejoka ihe inali mu ninga sha.

O. Johannes, Usakos, oje ota ti: Kalunga na hambelero sili esi e tu pa ouua u fike apa no natu tile sili omolu efilongenda laje apa tu li pa ha kale nande odi imue konima.

P. E. Mukunda, Windhoek, a haluka omolu oshilumbu sha si ombazilila no te tu kumagiza tu azike tui ilongekiza.

Lisias Nepondo, Swakopmund, ote tu kurdu ta ti. tu eseni uujuni, tu landuleni ondjila jOmua.

Simon Johannes, Outjo, ote tu londoga no ta ti: ovakuetu, Jesus ote nja sili, kape nomalimbililo, tu kaleni hano tua tonata.

Johannes Namad, Marienthal, te tu kumaida ta ti: ino litangela ounjasa, ove to jolo omukuluu, naje uo okua li omunjasa, na ove to kulupa jo.



## AAKRISTE JOMU KOREA.

Iita jomu Korea otaji kondjo natango. Ojo ja jono naji oshilongo ashihe, ihe natango kaji nefudo.

Omboka ja kuacua kaarussia onge taa sindi, ojo haa hepeke uunene aakriste. Aahokololambinzi je li mo ojendji ngashingeji mokati kauo.

Esiku limue aapangeli ja zimine iigongi jaakriste, ojo nge taa hokololelua tango, shoka tashi popiua mo. Aakriste jaali ja ji kaapolisi je ja hokololele shoka sashi popiua moshigongi, sigo nena mboka jaa inaa galuka ue.

Omukriste gumue a indilua okuvica evangeli, sho ina vulika, a dengua komupolisi sigo oku li pokusa. Oje okua hokolola nkene oluindji ojo ji indile Kalunga e ja zimine ja se, ihe otua sohoni eindilo ndika, no tua galikana Kalunga e li dime po, oshoka evangeli oli nokuuvicua, onke ano otu nokukala tu nomuenjo. Aakriste otaa ciminikua ja kale miilonga esiku liosondaha. Aasita ojendji oja dipagua. Naauvici otaa ciminikua ja kale taju uvica elongo ljuukommunismi. Ngele otaa tindi, otaa falua mondo!ongo.

## TALA OTANDI JA MBALA.

Ehol. 22: 12.

Elaka ndika tali lolola aategeleli mboka ja tegelela ngoka ta ti ngeji. Ihe omukuetu, elaka ndika oljo inali kala ko ngashi ua diladila, aue,, oje oku li popepi, shili ita kala ko. Nge to tala iitetekeli je mbjoka a hokolola ji nokuholoka, oto ji mono, noto ji uuvu koombinganombinga. Akuhe taku popiua iikumica maantu nokiishitua uo je. Onke ano ino vulua oku mu tega, Mu tega ua muena nokunjanjukua, oshoka ta eta etalaleko ljaa mboka ie mu tega ngaa-ka.

Elaka ndika tali tilica uo aakanetegameno. Inaa hala li tumbulue?, oshoka otaa tala ku dika, ondi ji na oku ji pa kehe tuu shi cike piilonga je. Ongoka e li ouala kee na Omuaa Jesus, oje oku na uo iilonga je mbjoka haa kala najo. Ojo tuu mbjoka uo taji peua ondjambi. Oshoka mpaka itapu pangua omuntu inaa peua sha. Shaa ngoka ota mono shoka a longele.

Ihe omunelago oje ngoka a jogo onguuo je, ota peua mo momuti guomuenjo. Ano tu uukeni ko ano nkoka.

Thomas Nakanjala

## KALUNGA OJE OMUGAMENI.

Ongame onda njola noluhodi momuenjo guandje. Onge onda longele omina esiku eti 29. 9. 50, ongame manga nda ji miilonga momiina ohaluka omina ja gu. Onke ja sikile ndje komagulu nombunda omamanja ga guile ndje shili. Nando nda guilua ngeji, Onda li ndi negameno ljomuaa, Kalunga pamue nangame.

Johannes Ipinge Abenab mina

## ETUMO LJIPAKETE.

Isak Henok guokOndangua te tu pukulula mokutuma iipakete nenge iikeca moposa noku Railway. Ta ti ngeji:

1) Koshipakete nenge koshikeca njola ko edina ljomutuminua lja guana, nosho uo edina ljomukunda, ljegongalo no ljoshilongo. Ano ngeji:

**Tomas Paulus Amutenja.**

**(Oniimuandi,**

**Onajena,**

**Ondangua.**

2) Kombanda joshipakete naku njolue naua ku ngoka e shi kunjola. Ngele ku shi shi naua, naku njolue komukueni gulue.

Inima ngele inaji njolua naua otaji shunicua ku Windhoek e taji landicua po, nondjo ndjoka oje muene.

Nisheue inamu mangela uutekete kiipakete nenge kiikeca, oshoka hau tokoka no hau kana, no to kani-  
ca ngaaka oshipakete ashihe.

## SHANGENI NAUA!

Ovakuetu ovaholike onda hala oku mu lombuela ngenge tamu shange oipakete jeni, mu shange naua.

Osheshi oinima jeni taji kana unene mokuumba, oinima ihapu i li moposa ji he na omadina noji he shivike apa taji di, naapa tai, shashi nje ohamu ji shange naji.

Ngenge to shange oshipakete shoje, shi shanga naua un ne. Onaua ngenge to shangelua ku ou e shi okushanga naua, e ku dule oipakete inamu ji shanga eedada da dingola, shangeni da maamalua edi da kula. Oipakete ngenge she ja mOmbelua jetu, shi hena edina, ile itali popi oshipakete otashi ji peni, ile otashi di peni, ohashi landifua po ashike.

Hano ngenge ua tuma oshipakete shoje, ndele ou shi shi naua kutja ino shanga naua, otashi ka landifua po ouala. Unene onje ava mu li meefalama na ava ve li kUnion oinima jeni taji hepa unene. Ihapu kaji na omadina e uetike, kutja oinima otaji ji peni.

Taleni oveta oja ja dja okutakamifa oshipakete eemuedi nanonaimue adike. Okutja ngenge muene ine shi pula, otashi ka landifua po ashike ku keshe ou a hala oipakete ojo.

Onje ovauambo ngenge tamu tumu oimbale jeni, alikana kese okambale keli po ka tula edina oku taka ji, ile oku taka di. Ngenge oue i tula monkinda ja kula, ndele to ji mangele mo naua a kola moshako, onaua keshe okapakete ke i meni ka tula edina, kutja otaka ji peni, ngashi tuu ua shanga kombanda joshako. Ino linekela kutja oshako otaji fiki ji li naua. Esiku limue oto hange ja pomboka mo. Hano ove okua li ashike ua shanga kombanda joshako, sha tuu ja pomboka, otashi ti ajishe oja kana, shashi kape na edina meni loshako.

Ngenge ua tuma oinima joje, ndele ou uete inaji fika oku, taji i. Onaua to shangele ku fie, opo tu ku kongele. Ndele oto shange cmalaka avali ajeke; oshimbulu ile oshiengelisa. Ngenge ku shi shi, inda kombeleua jeni ove u shangelue kutja ua kani-  
fa.

Shanga kutja oua tuma oshikefa shoiti, ile ohandukofa, ile oshikefa shoshivela, ile oshipakete shombapila! Shanga kutja oshi toka, ile oshilaula. Omuna shike meni, omalapi angapi, eehema ngapi! n.sh. t. oue shi umbila pe ii, otashi ji peni.

Hano ngenge to shangele kombeleua ojo, oto shange ngaha

MANAGER Of  
Et — Dept Office  
S. A. Railway & H.  
Windhoek.

Hano oshipakete shoje ngenge sha ningi mo eemuedi 6, ohashi landifua po. Shaa tuu ua mono oshipakete shoje sha ninga eemuedi 3, ino telela vali. Shanga efimbo tuu olo manga irashi landifua po. Inamu shanga nande oshiuambo, shashi kakuna ou ha dulu okulesha oshiuambo mombelua ojo. Lombueleni o ava ihava lesa Omukuetu.

Otamu kundua komu dinini uojinima ojo jeni!

Simon Sem Kaukungua  
Windhoek.

